

四明叢書

張宗祥



宋元學案補遺卷二十八

目錄

兼山學案補遺

伊川門人

補郭先生忠孝

兼山家學

補郭先生雍

白雲講友

趙先生善譽

白雲門人

補

謝先生謬

韓先生彰

張先生昌基

台傳

黃先生營

詳見滄洲諸儒學案

曾先生種

艮齋講友

鄒先生昶

曾氏同調

方先生聞一

白雲私淑

洪先生适

盤洲學侶

洪先生遵

洪先生邁

盤洲講友

范先生成大

別見龜山學案補遺

李先生綺

別見和靖學案補遺

良齋家學

謝先生識

謝先生諒
合傳

良齋門人

補歐陽先生朴

彭先生惟孝
附子一鳴一德一愚一遵

口先生子山

曾氏門人

李先生祐之

盤洲家學

洪先生祕

盤洲門人

歐陽先生朴

詳上艮齋門人

容齋門人

危先生稹

詳見槐堂諸儒學案

袁韶

詳見絜齋學案

靜庵家學

曾先生克定

五三

約圖刊本

曾先生克永 合傳

郭氏續傳

補 黎先生立武

黎氏學侶

黎先生立言

洪氏續傳

洪先生簡 詳見慈湖學案

元中門人

吳先生澄 詳見草廬學案

宋元學案補遺卷二十八

後學

郭王梓材
慈鄉馮雲濠同輯

兼山學案補遺

伊川門人

補

提刑郭兼山先生忠孝

兼山語要

有用者是聖人之道無用者非聖人之道學可用于天
下方始是若未可用終未是

梓材謹案此條本
之劉氏明本釋

艮內外皆止是內止天理外止人欲又如門限然在外者不得入在內者不得出

梓材謹案朱子語類吳伯豐問兼山所得于程門者如此

兼山易說

卽鹿无虞鹿如鉅鹿沙鹿之鹿故知從禽非專鹿也

屯六

二

蒙之爲蒙可以達材可以成己也

蒙大象

人之生不知學問之可成不知畧獲陷阱之可避凡以

蒙故也

蒙初六

上下遠于二剛无所資焉謂之困蒙是以君子慎其獨也
六四

不利爲寇利禦寇彼我賓主之辭非有時而利爲寇也

上九

文武以天保以上治內采薇以下治外而始于燕羣臣

嘉賓者需之道也
需大象

既醉以酒既飽以德人有士君子之行詩之所謂太平

需之所謂貞吉也
需九五

上六不當有事之地至于三陽彙征不能退聽以違之

雖敬之終吉未大失而已乃若鴻飛冥冥弋者何慕焉

上六坎也故不足以追此

上六

十室之邑必有忠信則三百戶不爲小矣

訟九二

鞶大帶也男子帶鞶婦人帶絲蓋爵命之服非所以賞

訟也

上九

地所以容民水所以蓄眾大司徒有比閭族黨州鄉容

民之道也小司徒有伍兩卒旅師軍畜眾之法也

師大象

武成之終曰列爵惟五分土惟三又曰敦信明義崇德

報功則盡上六之義者其武王乎

師上六

洪範五皇極曰無偏無陂遵王之義無有作好遵王之道無有作惡遵正之路無偏無黨王道蕩蕩無黨無偏王道平平無反無側王道正直凡上之所以示下者如此也凡厥庶民無有淫朋人無有比德惟皇作極凡下之所以從上者如此也方顯比建大中之道逆者不追順者不拒无恤于去來无間于小大邑人之不誠特爲其微者言之至于自西自東自南自北蓋有无思而不中者矣可勝言哉

比九五

視履猶洪範之五事也考祥猶念用庶徵也其旋元吉

猶嚮用五福也

履上九

大道之行也天下爲公故君子得以爲君子小人不肯爲小人君子則尊道屈身而行道者有之小人事事屈道而信身无不爲也況否之時小人非惟屈道信身又將惡直醜正協比讒言以害君子者多矣詩云爲鬼爲蜮則不可得有覩面目視人罔極是也孔子稱殷有三仁焉微子去之箕子爲之奴比干諫而死方其自靖人自獻于先王固有不可去之者而儉德辟難發于早辨與疏且遠者言也孟子曰我無官守我無言責也則吾

進退豈不綽綽然有餘裕哉故醴酒不設穆生去之曰
國人將鉗我於都市何必見否之已然而後避之不亦
晚乎

否大象

先大夫有言曰居廟堂之高則憂其民居江湖之遠則
憂其君蓋泰言志在外否言志在君之意也

否初六

陳相道許子之言使市價不二國中無僞孟子曰物之
不齊物之情也或相倍蓰或相什百或相千萬子比而
同之是亂天下也故類族辨物乃所以盡同人之道

同人大象

天之虧盈日月是也地之變流山河是也鬼神害福吉凶是也人之好惡得失是也以此居尊則益光以此居卑則不可踰故惟有德君子能終之

謙象傳

孟子有言得道者多助失道者寡助寡助之至親戚畔之多助之至天下順之以天下之所順攻親戚之所畔故君子有不戰戰必勝矣

謙六五

雷出地蓋帝出乎震之時于夏則仲春之二月于周則孟夏之四月也大司樂以圓鐘爲宮雷鼓雷鼗孤竹之管雲和之琴瑟雲門之舞于地上之圓丘奏之圓鐘夾

鐘也夏時二月律也則雷出地奮豫而作樂崇德其在
于斯時乎帝者生物之宗祖考者人之始也故推以配
焉

豫大象

隨不止于人道而言震東方之卦也萬物隨之以生兌
西方之卦也萬物隨之以成其出入也孰不隨之故春
生之夏長之秋成之冬藏之隨也聖人東作西成亦隨
也五載一巡狩亦隨也隨之大豈一端而已也

隨彖傳

舍己從人不咈人以從己之欲隨民之道也隨民之極
則民之隨也亦如是而已方文王之三分天下有其二

固有不隨者也至于其化自北而南皆有德以維其心
此亨于西山之道也故詩曰自西自東自南自北無思
不服方是時民歸之若自拘係乃從而維之也必也文
王有以拘係有以維繫豈文王之道而上六所言乃上
窮之民將從文王之維無子遺者也夫哉隨乎舍己從
人隨也達則兼善天下亦隨也不當時命而獨善其身
亦隨也故始之言父子夫婦朋友之隨而終之以文王
之成王道皆隨時之義也

隨上六

女惑男風落山爲蠱長女從少男惑也風在山下落也